

嘉靖鄧州志

天一閣藏明代方志選刊

鄧州志

鄧州志序

賜進士第中憲大夫河南按察司副使宜興楊準撰
鄧州守潘子庭楠纂其州志成乃出質予而
以序來謁徃予數以公事按鄧觀其川原沃
衍人物惇茂蓋隱然彌巨區焉顧舊志闕畧
且三屬邑未附文獻奚從徵哉潘守乃始蒐
羅訂正并三邑彙爲通志十六卷疆理出入
山川險易炳若指掌必資圖牒故首郡縣圖

鄧州志

序

一

興替洪運經制鉅典莫有重焉故次郡紀皇
王御宇后妃侷德蒸靈孕瑞玉牒永光故作
帝紀易置分合時變靡常故表沿革啓土建
邦民社咸寄故表封建又人謚士官師是程
故表秩官叢才登俊寔維國珍故表選舉廣
褒險易勝蹟土風一方之紀故志輿地公署
城隍樹防蒞政故志創設邦計軍需任土攸
先故志賦後河渠堤池民利寔宏故志陂堰

壁宮黌序育俊聯師故志學校報德萃靈莫
重乎祭故志祀典足食足兵維國之經故志
兵防峴碑汝棠番思遺矩故傳官蹟英靈攸
鍾寔生淑哲論世式閭景行在茲故傳人物
終焉于是郡邑之故悉章章明備矣夫志者
史之流也要在傳綜古今審覈事實盡物理
人情之變以達于政非苟而已也是故山川
疆理辨析宜審沿革更制攷究宜詳事神使

民祠賦宜重官師人物懲勸宜公皆志之鉅
典也予觀潘守所爲志數者殆庶幾焉茲不
爲善志邪嗚呼覽鄧志者第侈豐衍之盛炫
宏麗之觀經世者奚取焉若廼風會興衰物
力登耗征徭舒急生齒增絀習尚醇靡學校
隆污政理脩紊防衛設弛思以盈縮培植俾
長爲樂土名區者得無三致意哉得無三致
意哉如是則志也其不爲虛文矣

鄧州志序

賜進士出身奉政大夫山西按察司僉事致仕大梁李濂撰
今夫鄧之爲郡也南控荆襄北連河洛西通
巴蜀東際淮海寔當天地之中號稱陸海蓋
豫州之雄鎮也鄧舊無志然志者一郡之史
也偏州小邑尚不可以無志矧鄧號稱陸海
而可以無志乎哉往上官行部至必索志觀
守對曰無之上官輒愕嘆以爲闕典嘉靖甲

鄧州志

序

二

寅浮梁璧峯張君剖符至乃始創爲志願所
載者止一州耳而所屬三邑則未之及觀者
猶以爲非一郡之全志也壬戌秋九月古端
石洞潘君來守是邦亟欲併收三邑以爲全
志乃慎簡郡學生之有文學者采摭三邑事
蹟以成之又敦禮鄉進士藍君儒總校閱之
勞而提綱正指發凡立例刪潤文藻叙論意
義則潘君自爲之也越暮告成於是遣使走

大梁徵序於余余以衰頽之年學殖荒落固辭焉而貢士藍君儀又齎書來以序請乃復之曰志之作也凡以爲民也非徒備圖籍聘博洽以夸耀人之耳目爲也是故志輿地以知廣輪之數志城池以嚴內外之防志建置以稽沿革之繇志貢賦以思徵歛之艱志戶口以察息耗之源志民性以制寬猛之宜志俗尚以節豐儉之中志兵衛以畫守禦之方

志陂堰以儲水澤之利它若志學校以育人材志土產以裕民用志名宦俾食于茲土者善厥官志鄉賢俾遊于庠序者知所式以至道路之所通市集之所止古蹟之猶存祀典之當舉罔不蒐羅而包括之一展卷間而一州三邑之事蹟咸在日前不必廣諏郊野編訪巖谷洗剔殘碣延咨故老而可以坐得其槩矣其爲行政之助豈淺淺哉故曰志之作

也凡以爲民也非徒備圖籍騁博洽以夸耀人之耳目爲也昔弘治初無錫邵文莊公爲許州守嘗作許志士林嘉之正德間余守沔陽亦欲作沔志時值水荒民不堪命乃汲汲拯救弗暇及文事至嘉靖間而門人童太史士疇始成之人咸稱其有良史才茲鄧志之刻也考覈精當政體攸存附論和平民功可舉且文辭典贍不贅不畧說者謂可與許沔

二志並行于世其然哉潘君名庭楠別號石洞廣東之高要人年少舉經元治郡有惠政及民其大者如開煤洞以興百世之利恤里甲以裁三千之費而疏土山之窪水以達于河俾不爲田害尤爲鄧人歌誦云

嘉靖四十三年太歲在甲子秋八月吉旦

鄧州志自序

奉訓大夫鄧州知州高要潘庭楠 撰

鄧有志自皇嘉靖丁巳前守浮梁張公始會當道促就藁故於三屬邑未暇及予既踵至遂采摭以成斯編云夫志不主載事乎內新浙三邑屬之鄧而鄧志不載其事非所以一體統而彰

國典也矧三邑之志之舊類皆成化末所輯因

鄧州志

序

四

循逮茲殆將百年故蹟益爲之茫然今復不圖後又何述焉於是乎屢纂修之後以各郡中學士大夫之心竊聞之近代稱良志者曰沔陽曰惠州沔陽成于童大史惠州成于楊吏部嘗繹二志綱例謹嚴論議揮霍率無異司馬子長予寔傾慕之繩步範趨而不自知其瞠乎後也蓋知愚之不相及也久矣是故志之有圖也邦國之故分合互呈于以標大

意括繁辭爲郡縣五圖凡大事必紀爲郡紀
爲帝紀重大事也表也者明也表其至蹟之
名而明之也沿革封爵秩官選舉名至蹟矣
爲四表使之易明也輿地既定創設斯興民
乃可治若賦役若陂堰所以厚培植若學校
若祀典所以崇禮教若兵防所以肅捍衛爲
七志志治民也宦蹟列傳可以程業人物列
傳可以辨德咸傳之使咸傳弗朽也統之十

有六篇鄧之載事存焉雖存弗備也憾文獻
也後之君子補遺增闕庶或有諒于予哉是
後也鄉進士藍君備蜚聲博雅爰綜厥成郡
學曹生揖姚生揆祁生仕聰郭生繼魯黃生
凝道均有論校之勞甫暮月而梓人報竣事
嘉靖甲子秋八月既望

鄧州志

鄧州知州高要潘庭楠修

目錄

卷之一

郡縣圖

卷之二

郡紀

卷之三

帝紀

卷之四

鄧州志

目錄

沿革表

卷之五

封爵表

卷之六

秩官表

卷之七

選舉表

卷之八

輿地志

疆域 風俗

星野 古蹟

山川 鎮店

卷之九

創設志

城池坊牌

公署舖舍

卷之十

賦役志

里甲課稅

戶口差役

田賦物產

派額

卷之十一

陂堰志

卷之十二

學校志

卷之十三

祀典志

卷之十四

鄧州志

目錄

二

兵防志

所治武場

軍兵關堡

屯田軍器

卷之十五

宦蹟列傳

良牧僑寓

殉事

卷之十六

人物列傳

名臣逸士

忠烈卓行

儒林方技

文苑貞節

凡例

一舊志載本州而止今附屬縣三為全志以昭時制

一秩官選舉遡元以上則州縣并表何也職或不相屬地或互見

一祠廟非祭法宅墓非古蹟均不錄

一宦蹟傳郡縣其有統制茲土功德在人例亦傳
一人物自隋迄宋凡稱南陽向城棘陽安衆諸產
悉收入維時屬于鄧

一人物見存宦蹟見任例不傳以俟後之君子

一異教宜抑是故寺觀舉畧仙釋附註

一藝文擇有關政教者註各類下便考閱

鄧州志卷之一

郡縣圖

昔職方以天下土地之圖周知方輿廣輪之數以辨其方物鄧志之先圖也亦然總圖而大觀具焉四圖而名域區焉以正阿池控制得宜宅中之義可求也以別疆理原隰不爽平土之規可列也孰險孰易何遙何近省方之志可通也蓋書所載言散殊弗統言所指事混淪未明惟大人覲茲則不降堂序遂能畫千乘之國於一矚之間而宛有餘思嗟圖信資治哉作郡縣圖

鄧州志卷之一


郡縣圖


二



鄧州志卷之一

郡縣圖





鄧州志卷之一

郡縣圖

北至盧

東北至

西北至

平遠縣界

南至鄧

鄧州界

光化縣界

陽縣界

東至鎮平縣界

西至浙川縣界

東南至

西南至

寺觀
府館
布政司
按察司
儒學
倉庫

布政司
按察司
城隍廟
書院
儒學
倉庫

金斗
巡檢

覆金山

五原山

馬山

茅山

天寧寺

灌漲舖

覆金山

鎮平縣界

沐河口

天子進

十里舖

張村舖

冠軍舖

曹河舖

十里舖

鹿門堤

雲斷寺

茶店

平剝店

九重院

武家店

龍城

禹山


湯山

擒虎城

林家店

長樂林

覆金山



南至北

東北至 西至

界縣氏

鄧州志卷之四

郡縣圖

四

東南至

界縣陽棗

西南至

化縣界

界州

南至南

內鄉縣

壇川山 廟都

黃龍店

官亭舖

沙壩

新安舖

校橋舖

彈子湖

龍龍

光武臺

馬鞍塚

青塚

白河舖

藥師寺

鄧禹廟

九女城

唐河口

王村舖

石山

西峽

香山

石山

石山

石山

靈山

雙文泉


石山

宋亮山

石坡舖

王村舖

布政司 儒學府 按察司



鄧州志卷之一

郡縣圖

五

陽縣界

澧河

乾老河

西至鄧州界

七里河口

鄧禹臺

港口

內鄉縣界

分水舖

神農舖

陳家店

板橋河

姑山

龍泉舖

龍泉

柳林舖

姑山舖

寒泉舖

雷山

寒泉舖

程寬埠口

下香巖

上香巖

北至盧

觀音舖

文巽寺

府館

南坳且

南至均

東至內鄉縣界

西至鄧州界

刁河口

西南至襄陽縣界

黃渠

東南至光化縣界

陽縣界

社稷壇

兩河渡

刁河橋

新野縣

通運所

倉

察院

鄧州志卷之一
 郡縣圖
 六

論曰禹貢分州河山是辨欲稽形勝舍畝奚觀
 焉茲郡大勢內浙多山新鄧平原其水率源于
 內浙而會于新野以入襄江然鄧亦有覆釜屹
 如天設之鎮彼穠多山惟靈惟岵惟白崖為擅
 名若湍在鄧丹浙白河在三邑則均水之大者
 畝宜詳也雖然鄧北有湍自昔識之何兩漢南
 陽郡畝湍于鄧南豈河流之遷徙郡治之更置
 將靡常而莫之考耶至於要害列關堡通會列
 村鎮幽勝列寺觀皆繇河山之故博雅君子討
 論所最急於例得備畝云



贊曰圖一御三圖三宗一千里倏遊萬有森立
畫笏且才收圖誠急盡意盡言洞觀弘益

